

Comunu de
Sètimu
Tzitadi Metropolitana de Casteddu
Pratza Sandro Pertini n. 1 09040 Sètimu



C.F. 80004000925
Tel. 070 76911 Fax 070 765687
giassu: www.comune.settimosanpietro.ca.it
pec: protocollo@pec.comune.settimosanpietro.ca.it

PENSAMENTU APITZUS DE SA SITUATZIONI COVID IN SETIMU

Su spainu de sa situatzioni de impestu in su territoriu de su Comunu nostu, aundi sceti in 15 diis seus passaus da 0 (zeru) a 43 (corantatres) cuntagiis chi funt crescendi de ora in ora, spainas giai etotu in sa popolatzioni giovuna e chi prus e prus bortas no est coberta da su vacinu, m'at fatu pensai, apustis de balutatzionis abista fata impari a is meigus de sa sienda sanitaria (ATS), a pigai unu provvedimenti po chi cuntenniri strintas po circai de fai fronti a unu siguru e prevedibili artziada de is cuntagiis .

Po custu s'est pigau sa decisioni, non a coru ligeru, de proibiri s'imperu de is parcus publicus aundi nci funt is amuntonamentus, de proibiri su torneu sportivu “ Giochi Estivi” aundi capitada chi ci siant cuntatus e situatzioni de amuntonamentu, diaci etotu cumentis in is campus estivus e in si atvidadis de su Tzentru de Agregatzioni, issus puru, a dolu mannu, firmaus cun s'Ordinanzia.

In su matessi tempus funt stètias annulladas calincuna atvidadi culturali giai postas in programa e patrocinadas da s'Aministratzioni Comunali etotu.

Is inditus adotaus, chi a segunda de su pensamentu podint apparri prus o mancu tropu o non ratzionalis, non prevedint, in donnia manera, limitatzionis peruna a is spostaduras de is personas, tenint cumentis a punna sceti cussa de TUTELAI sa saludi publica e anta a abarra in pei po una cida, a s'acabu s'at balutai chi est necessariu a ddas allonghiai, allentai o strociri.

In su matessi tempus, si invitant is tzitadinus a pigai in considera sa situatzioni de oi e de pigai cumportamentus sintzillus, pruschetotu apitzus de su distantziamentu, a sa protetzioni, a s'amuntonamentu e a s'igieni.

Si fait scri ancora chi intre is contzitudinus nostus po imoi positivus, nisciunu est over 60, pagus meda (3) is over 50, pagus (6) is over 40.

Custus numerus simpli, francu su scioberu liberu chi pertocat s'addisioni a su vacinu, testimongiant, chi sa campannia de vacinatzioni produxit is efetus positivus apitzus de sa popolatzioni antziana e chi in su matessi momentu su virus tenit sa necessidadi de circai e agatai allogiu in atera personas, imoi in sa popolatzioni prus giovuna e in sa majoria de is bortas non vacinada.

Abarru a dispositzioni po calisiat acrarimentu chi pertocat sa situatzioni e a is misuras pigadas.

Su Sindigu.